



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Oliverii Florentii Waterloop Congreg. Oratorii B. Mariae
Aspricol. Presbyteri Monita Spiritvalia Et Moralia
Tetrastichis distincta**

Waterloop, Oliverius F.

Antverpiae, 1657

Titulus IV. Justitia, Judex.

urn:nbn:de:hbz:466:1-9689

Justitia. Iudex.

I. **S** Alus, & omne in his tribus
Consistit orbis vinculum;
In lege, cultu Numinis,
Animiique gratitudine.

Vbi deest prudentia,
Ibi deest scientia:
Vbi deest scientia,
Ibi deest prudentia.

Vbi deest sapientia,
Ibi deest reverentia:
Vbi deest reverentia,
Ibi deest sapientia.

Vbi deest lex Numinis,
Ibi vita civilis deest:
Vbi vita civilis deest,
Ibi deest lex Numinis.

Iniquitatis est metu
Reperta lex : sed æquitas,
Et vita recti conscientia,
Quid legis indigent ope?

Legem tuendo Numinis,
Hominis minas nihil time:
Custodem honesti, & ordinis,
Et legis, haud tanget metus.

Leges ama, modum tene,
Nulli deinde servies:
Si legibus morem geras,
His imperabis, & tibi.

Leges ubi cum legibus
Iustiniani garriunt;
Ibi sœpè scripta lex DEI,
Et nata nobiscum, filet.

Lex scripta, quamvis utilis,
Contra vi agentem nil agit:
Vbi est locus violentiæ,
Ibi ordo Iuris exultat.

Præesse qui Iuri voles,
Ad jus præire te decet:
Opus est iniqui judicis,
Impunè facere quod lubet.

Rhetor scelestus, legibus
Est pestis ingens optimis:
Republicam orator probus
Probis adornat moribus.

Ingente lucro publicam
Rem ditat orator bonus:
Majus bonis damnum malus
Orator infert civibus.

Vt iure Iuris audias
Consultus, audi Numinis
Divina scita, & intimis
Servanda conde sensibus.

Ne justa credas omnia,
Quæ pulchra reris, arbiter:
Minister æquitatis es,
Non æquitatis regula.

Vti nimis doctus foro,
Peritiorque tempori
Servire quam legi DEI,
Legi Deoque displicet.

Ius

Ius cuique scire reddere,
Prudentis est : est, firmiter
Id velle, justi: id denique
Audere, fortis est viri.

Lex & fides iecto simul
Orbem gubernant foedere:
Mentes vagas frænat fides ;
Lex improbas stringit manus.

Tellure surgens veritas,
Cæloque labens æquitas;
Hæc ima, summa, sunt duo
Vitæ beatæ pabula.

Vbi excoletur æquitas,
Ibi pax vigebit : pacis est
Servata mater æquitas ;
Pax æquitatis filia.

Vbi exulat legum metus,
Ceduntque iura viribus ;
Ibi victa donis æquitas
Sub ense pugnaci jacet.

Est mater insolentiae
Sperata conniventia:
Ausum supina impunitas,
Et ausus excessum parit.

2. Ne motus iræ turbine,
De jure consilium cape:
Cras, nunc quod ira consulit,
Non esse consultum scies.

Ne credat irâ se reus
Non jure plecti, motibus
Obsiste : sæpè transfilit
Punitor iratus modum.

Nil seriâ de re citò
Decerne mente turbidâ:
Sæpè inquieta mens probat,
Quieta quod mens improbat.

Turbata quod mens asserit,
Tranquilla vix memor negat:
Et quod quieta mens probat,
Animus refutat turbidus.

Quamdiu doles, temerè tuis
Ne crede consiliis : nocet
Animo dolenti credere:
Prudentiæ hostis est dolor.

Vbi gaudium, dolor, metus,
Spes vana regnant, nubila
Videre mens verum nequit;
Sed falsa pro veris habet.

Animus opinionibus
Præoccupatus sæculi,
Nescit serenum ; nil benè,
Nil liberè dijudicat.

Mens curva blanditur sibi.
Quas jure das pœnas tui
Erroris, has cave boni
Facti arbitrari præmia.

3. Ad puniendum non solet
Properè exilire vir bonus :
Damnantis id quod nesciat,
Est punienda temeritas.

Sonti quidem, sed supplici
Ama benignè parcere:
Hoc plura conferes bona,
Quò plura differes mala.

Nocens precatur; innocens
Iniquitati irascitur:
Vbi innocens se se indicat
Timere, damnat judicem.

Quæ causa misericordiam
Sui requirit judicis,
Videtur esse pessima:
Est innocentis optima.

Sub lege durâ, judicis
Opem roga: clementiâ
Obscura vult lex corrigi:
Regina legis æquitas.

Nec omnibus, nec nemini
Ignosce: nemini furor
Ignoscit, error omnibus;
Vtrumque prudenter cave.

Damnata juris ordine
Cave tueri crimina;
Favore ne sis noxio
Damnationis particeps.

Socius videtur criminis,
Quisquis nocenti fert opem:
Obsiste fonte: non potest
Insens videri, qui juvat.

Punire cùm times malum,
Plures ei similes facis:
Nequit esse judex innocens,
A quo nocens absolvitur.

Arcet periculum, judicis
Cunctatio & prudens mora.
Nisi pœnitere mævelis,
Audi priusquam judices.

Damnare ne propera: citò
Quæ lingua damnat, vocé habet,
Vim non habet, nisi ut ducem
Habere se mentem neget.

Audi, roga, bis, ter, quater:
Citatione sententia,
Ut plurimum, temerarii
Ab ore manat arbitri.

Crimen videtur querere,
Qui teste nullo judicat:
Damnat libenter, qui citò:
Nec damnat æquè, qui nimis.

Aures duobus da duas:
Nil juris aut facti arbiter
Decernit æquus, antequam
Pars audiatur altera.

Pupilla clausa judicem,
Et truncata commendat manus;
Nullis reflecti affectibus,
Nullisque muneribus capi.

Accepta dona memineris,
Abs te data obliviscere:
Sed à doloso munere
Curvæ manus manum abstine.

Mercede victum judicem
Mala damna tartari manent:
Æquum est iniqua qui patrat,
Ut æqua cogatur pati.

Donis subactus arbiter
Datam gemet sententiam:
Malè arbitro, vœ judici,
Cui munus infatuat manus.

Vel

Vel mente sanâ præditum
Cæcare possunt munera:
Laqueis aves, aut retibus;
Astutus auro prenditur.

Laqueo leonem maximum
Pusillus attrahit lepus;
Sic vincit auro maximum
Pusilla turba Principem.

Cur sanguis, & lingua, omnibus
Aurum putatur? an quia
Virtus & eloquentia,
Auro loquente, conticent?

Auro loquente, Tullii
Ægrotat eloquentia:
Silentio plebem docet,
Delecat, & valde movet.

Pax optimarum.

1. **P**Acis bonum, & concordiae
Tibi eligendus est amor:
Non invida ambitio, mala
Tot bella quæ secum trahit.

Litem oderis: bona res, quies:
Res, turpe lucrum, turpis est:
Periculosa temeritas:
Egisse quod voles, age.

Est pace nil pretiosius;
Nil, quod sequaris, dignius:
Felix, cui placidam datur
Sine lite vitam claudere.

Tibi sit auro carior,
Quæ vita litibus caret:
Tumultuoso diviti
Præfer quietum pauperem.

Rem, quæ potes, serva tuam
Sine lite tutam: jus tuum
Sine advocate judica:
Lis mota nescit terminum.

Lis ulcerosa spem parit;
Scabiosa litem spes alit:
Cave; utriusque erit comes
Et finis, Infelicitas!

Litem parit lis alteram,
Noxamque noxa: fervidae
Contentionis exitus,
Est sæpe pœnitentia.

Quem jure possis vincere,
Huic cede: servatur novo
Amicus obsequio vetus;
Contentione pellitur.

Voces duas, Meum & Tuum,
Expunge; nullus litibus
In orbe restabit locus:
Pax occupabit & quies.

Si vita, si victoria
Arridet, æqua cogita:
Est norma vivendi ut decet,
Modusque vincendi, æquitas.

Nec cuncta, nec semper velis
Iure obtainere: in tempore
Plus vinci honeste proderit,
Quam lite turpi vincere.

Y 3

Quem